



Broj: 03-34-2359/25-1
Mostar, 15.10.2025. godine

Na osnovu članova 26. i 27. Zakona o visokom obrazovanju Hercegovačko-neretvanskog kantona („Službene novine HNK“, broj: 04/12), člana 10. Pravilnika o akreditaciji visokoškolskih ustanova i studijskih programa („Službene novine HNK“, broj: 4/14 i 8/24), a postupajući po zahtjevu visokoškolske ustanove Sveučilišta Hercegovina, broj: R-159/25 od 19. rujna 2025. godine, ministar Ministarstva obrazovanja, nauke, kulture i sporta d o n o s i

R J E Š E N J E
o produženju roka institucionalne akreditacije
visokoškolske ustanove Sveučilišta Hercegovina

1. U Rješenju o institucionalnoj akreditaciji visokoškolske ustanove Sveučilište Hercegovina, broj: 05-03-34-1368-12/20 od 18.10.2021. godine, dodaje se tačka IV koja glasi:

IV

Visokoškolska ustanova Sveučilište Hercegovina se smatra akreditovanom do okončanja postupka ponovne akreditacije, koji je započeo zahtjevom za obnavljanje akreditacije visokoškolske ustanove Sveučilište Hercegovina, broj: R-94/25 od 16.04.2025. godine, a najduže osamnaest (18) mjeseci od dana isteka Rješenja o institucionalnoj akreditaciji visokoškolske ustanove Sveučilište Hercegovina, broj: 05-03-34-1368-12/20 od 18.10.2021. godine.

2. Rješenje stupa na snagu danom donošenja.

O b r a z l o ž e n j e

Visokoškolska ustanova Sveučilište Hercegovina je podnijela Ministarstvu obrazovanja, nauke, kulture i sporta zahtjev, broj: R-94/25 od 16.04.2025. godine, čime je započeo proces ponovne institucionalne akreditacije.

Po prijemu zahtjeva Ministarstvo je utvrdilo da je zahtjev za akreditaciju visokoškolske ustanove Sveučilište Hercegovina potpun u pogledu priložene dokumentacije i usklađenosti sa odredbama Pravilnika te je aktom, broj: 03-34-942/25-2 od 02.06.2025. godine, a u skladu sa članom 15. Pravilnika, proslijedilo kompletnu dokumentaciju dostavljenu od strane visokoškolske ustanove Agenciji za razvoj visokog obrazovanja i osiguranje kvaliteta na daljnje postupanje.

Agencija za razvoj visokog obrazovanja i osiguranje kvaliteta Banja Luka, je nakon zaprimanja dokumentacije i prijedloga Ministarstva za imenovanje Komisije stručnjaka, bila obavezna da donese Rješenje o imenovanju članova Komisije, u roku od petnaest (15) dana od dana prijema prijedloga, a sve u skladu sa čl.15. stavom 9. Pravilnika o akreditaciji visokoškolskih ustanova i studijskih programa u HNK.

Dana 09.07.2025. godine Ministarstvo je zaprimilo akt Agencije za razvoj visokog obrazovanja i osiguranje kvaliteta, broj: 05-33-1-345-2/25 od 02.07.2025. godine, kojim je traženo da Ministarstvo dostavi dodatne informacije koje se odnose na postupak institucionalne akreditacije visokoškolske ustanove Sveučilišta Hercegovina a pozivajući se na odredbe iz Preporuka za regulisanje postupka akreditacije visokoškolskih ustanova i studijskih programa 1. i 2. ciklusa studija u Bosni i Hercegovini („Službeni glasnik BiH“, broj: 34/23), tačnije Poglavlja II.3. Legitimnost i ocjena kompletnosti zahtjeva za akreditaciju uz konstataciju da u slučaju nedostavljanja traženih informacija u predviđenom roku neće biti u mogućnosti izvršiti imenovanje Komisije stručnjaka.

Pored navedenog, Agencija je zatražila da se izvrši dopuna Prijedloga broj: 03-34-942/25-1 od 15.05.2025. godine na način da Ministarstvo predloži još jednog stručnjaka iz kategorije privrede i prakse.

Ministarstvo je aktom broj: 03-34-942/25-9 od 14.07.2025. godine postupilo u skladu sa traženom dopunom Agencije i predložilo još jednog stručnjaka iz kategorije privrede i prakse. Također je Ministarstvo preporučenom poštom Agenciji uputilo i akt, broj: 03-34-942/25-8 od 14.07.2025. godine koji se odnosi na akreditaciju visokoškolske ustanove Sveučilišta Hercegovina, a u kojem navodi da je Ministarstvo postupilo u skladu sa Pravilnikom o akreditaciji visokoškolskih ustanova i studijskih programa u HNK („Službene novine HNK“, broj: 04/14), kojim je utvrđen postupak institucionalne akreditacije i akreditacije studijskih programa, postupak primjene načela, standarda i kriterija u skladu sa kojima se provodi postupak akreditacije, kao i prava i obaveze subjekata u postupku provođenja akreditacije, predakreditacijske i naknadne aktivnosti, formiranje i postupanje komisije stručnjaka i druga relevantna pitanja.

I pored činjenice da je Ministarstvo odgovorilo na dopis Agencije, broj: 05-33-1-345-2/25 od 02.07.2025. godine, Agencija je poslala Urgenciju pod brojem: 05-33-1-3/25 od 30.07.2025. godine a koja se odnosi na već poslane akte po istom pitanju.

Agencija je Ministarstvu uputila akt, broj: 05-33-1-345-8/25 od 10.09.2025. godine u kome navodi da je provjeravajući sukob interesa i dostupnost predloženih stručnjaka za postupak akreditacije predmetne visokoškolske ustanove, iz kategorije predstavnici akademske zajednice u BiH u zadanom periodu (do 09.09.2025. godine), dobila odgovor od jednog stručnjaka za kojeg je utvrđeno da nije učestvovao na obukama koje organizuje Agencija, te je zatražila da Ministarstvo dostavi novu dopunu Prijedloga, iz kategorije predstavnici akademske zajednice u BiH, i sugerisala da prilikom predlaganja uzmemo u obzir stručnjake koji su na Internet stranici Agencije označeni plavom bojom (hiperlink) na kojoj su dostupne informacije o učešću na obukama koje organizuje Agencija.

Ministarstvo je aktom, broj: 03-34-942/25-10 od 25.09.2025. godine, postupilo po zahtjevu Agencije i poslalo dopunu Prijedloga Povjerenstva domaćih i međunarodnih stručnjaka za ocjenjivanje i reviziju kvalitete i davanje preporuke o akreditaciji visokoškolske ustanove Sveučilišta Hercegovina.

S obzirom na to da se postupak reakreditacije (ponovne akreditacije) nije obavio u propisanom roku, doneseno je Rješenje u kojem se utvrđuje novi rok važenja akreditacije, a kojim se u skladu sa odredbama člana 10. Pravilnika o akreditaciji visokoškolskih ustanova i studijskih programa ("Službene novine HNK", broj: 4/14 i 8/24) produžava rok važenja akreditacije za visokoškolsku ustanovu Sveučilište Hercegovina do okončanja postupka ponovne akreditacije, a najduže za osamnaest (18) mjeseci od isteka roka Rješenja o institucionalnoj akreditaciji.

Imajući u vidu naprijed navedeno, odlučeno je kao u dispozitivu ovog Rješenja.

Pouka o pravnom lijeku:

Protiv ovog Rješenja može se podnijeti žalba Vladi Hercegovačko-neretvanskog kantona u roku od trideset (30) dana od dana prijema iste. Žalba se podnosi putem Ministarstva obrazovanja, nauke, kulture i sporta Hercegovačko-neretvanskog kantona.

Dostaviti:

1. Sveučilište Hercegovina, Bijakovići
Ul. Kraljice Mira 3A, 88266 Međugorje,
2. Agencija za razvoj visokog obrazovanja
i osiguranje kvaliteta BiH, akademika Jovana surutke 13, 78000 banja Luka,
3. a/a.

